

四庫全書

集部

欽定四庫全書

元詩體要卷十一

明 宋公傳 編

七言律

杭州拱北樓

趙孟頫

城上高樓接太霞
令嚴鐘鼓寂無譁
提封內向三千里
比屋同封百萬家
心在江湖存魏闕
身隨牛斗泛仙槎
舉頭便覺長安近
時倚闌干望日華

岳陽樓

梁曾

樓前秋水健帆開樓下涼風舞袖回萬里舟航通鳥道
四時雲雨護龍堆江山如此不一醉歲月幾何能再來
欲問老髯求鈇笛月中吹上紫荊臺

武昌南樓

范鈞

鸚鵡洲邊艤客舟憲君邀我上南樓胡床老子三更月
鈇笛仙人一曲秋流水白雲吳夏口西風黃鶴晉磯頭
如今盡屬王孫草添得江南幾許愁

易臺

劉因

望中孤鳥入消沉，雲帶離愁結暮陰。
萬國山河有燕趙，百年風氣自遼金。
物華暗與秋光老，杯酒不隨人意深。
無限霜松動岩壑，天教搖落助悲吟。

姑蘇臺

劉致

麋鹿應知易代頻，吳趨誰唱不堪聞。
捧心臺暗梨花月，扶目門深薜荔雲。
江閔水犀歐冶劍，氣騰金虎闔閭墳。
計然已死鴟夷逝，寂寞五湖西日曛。

淮陰廟

陳孚

漢家羅網政高張誰有勲名紀太常戲爾築壇呼大將
危乎操印立真王烟中草木疑殘幟沙上風濤憶故囊
鍾室千年君莫怨未央宮殿已斜陽

又 傳若金

淮陰千古英雄恨楚樹荒荒夕照殘水夾廢城春草合
雲昏遺廟野花寒封齊安用真王印興漢空餘大將壇
高帝旌旗俱寂寞斷碑零落後人看

項羽廟 施鈞

當日滎陽可滅劉，却緣不聽范增謀。
徒勞百戰爭秦鹿，贏得十年笑楚猴。
父老江東能王我，故人垓下忍為侯。
騅兮不逝虞兮別，淚洒西風一劍愁。

南陽諸葛廟

吳漳

卧龍岡上拜荒祠，惆悵當年枉顧時。
未許三分讓孫策，豈徒十倍過曹丕。
半生艱苦思興漢，兩表殷勤叙出師。
王業未安天命改，英雄千載有餘悲。

又

劍江千里綠沄沄五丈原頭日又曛舊業未能歸後王
大星先已落前軍南陽祠廟荒秋草西蜀關山隔暮雲
正統不慙傳萬古莫將成敗論三分

趙御史志養堂

趙孟頫

志養堂前驄馬歸融融喜氣滿庭聞能令將種為書種
可是斑衣勝繡衣手樹藂萱侵雪色心同寸草報春暉
不須更上陳情表親壽康強世所稀

劉京叔歸潛室

薛玄義

獨構茅堂養道真，滿前俗事罷紛紜。
磻溪夜釣波心月，汾曲春耕壠上雲。
長笑熊羆勞應夢，肯教猿鶴怨移文。
近來傳得安心法，萬壑松風枕上聞。

費無隱丹室

虞集

碧雲雙引樹童童，除却仙經戶牖空。
一逕綠陰三日雨，數聲黃鳥百花風。
年深不記栽桃客，夜靜長留采藥翁。
幾度到來渾不語，却依秋影數冥鴻。

壺洲

傳聞海上有玄洲曾是安期舊所遊
千頃白雲都種玉
一杯弱水不勝舟
魚龍夜護黃金鼎
鸞鵠晨朝紫綺裘
波浪不驚星斗近
步虛聲裏度清秋

方壺

傅若金

蓬萊員嶠對差我知有羣仙
日日過琪樹曉通雲氣近
羽輪秋會月明多
秦人采藥空依海
漢使乘槎但入河
誰識高齋有仙島
不勞萬里涉風波

攸寧庵

薛玄義

高興何如向子平男婚女嫁一身輕白雲在望頻登隴
黃髮為期少入城璽室已營身後計鳳笙時聽月中聲
江淮十載風塵滿回首誰應似獨醒

柳南小隱

陸景龍

參軍家住南湖上楊柳蔭門春水生落日池臺看洗馬
東風簾幙聽啼鶯長條拂翠陰垂地三月飛花雪滿城
每為論兵來好客傍人錯認亞夫營

半村

張翥

半距城闌半距村烟霞咫尺少塵喧小車出市僕先路
斜日下山人到門兩岸花陰連第宅一川草色散鷄豚
田家數里將迎慣時復相畱醉酒罇

宋陸秀夫抱惠王入海圖

姚燧

紫宸黃閣共樓船海氣昏昏日月偏平地已無行在所
丹心猶數中興年生藏魚腹不見水死挽龍髯直上天
板蕩純臣有如此流芳千古更無前

商山四皓圖

善彥明

劉氏何如呂氏安
尺書便爾闔重關
空將鬢雪驚隆準
不道啼紅慘玉顏
鴻鵠聲寒悲曉殿
紫芝香冷怨秋山
十年猶昧深根術
又落巴童橘樹間

周昉畫美人圖

虞集

島上雲生日轉簷
海風吹雨暮寒尖
春明玉色遺薌澤
夜定珠光入鏡奩
織得鴛鴦隨綠皺
教成鸚鵡啄紅甜
試令鼓瑟應無語
目斷歸帆思未忺

周冰壺畫四美人圖

雅勒呼

唐宮題葉

采毫將恨付霜紅，恨自綿綿水自東。
金屋有關嚴虎豹，玉書無路托鱗鴻。
秋期暗度驚催織，春信潛通悞守宮。
只恐天河音信杳，明年錦樹又西風。

崔徽寫真

舞鸞粧鏡減鉛華，毫素無聲散彩霞。
夜月影寒分桂魄，春冰暈薄映桃花。
夢隨圖去憑青鳥，愁逐書來點墨鴉。
未得離魂如倩女，衰容先我到君家。

洛神

鄴宮簷瓦化鴛鴦
蘭渚鳴鑾去國遙
謾說君王畱寶枕
不聞仙子和鸞簫
驚鴻易沒青林月
沉鯉難憑碧海潮
腸斷洛川東去水
野烟汀草共蕭蕭

二喬

珊瑚樹交如玉樹
重鴛鴦難偶雪難容
共思漢事隨流水
各對吳儂感遠峰
洛賦未成梁月墮
胡笳已斷塞雲濃
人間流落渾相似
猶勝淒涼泣暮蛩

題畫

虞集

緝熙殿裏御屏風
零落誰收百歲中
錦樹總含春雨露
畫橋猶是舊青紅
花開陌上懷歸燕
潮落江頭送去鴻
何似綠波生太液
絳桃風急彩船東

孫宰金碧山水

昔代香山避暑宮
中天積翠立芙蓉
雲生金水三春柳
露滴銀床五粒松
飛瀑橋長通窈窕
斷堤人倦立從容
舊時行處今看畫
烟雨樓臺晚更濃

赤壁圖

吳師道

草荒殘壘怒濤秋
遙憶英雄涕自流
風火千年消伯氣
江山一幅掛清愁
丈夫不學曹孟德
生子當如孫仲謀
機會不來形勝在
狂歌弔古謾悠悠

壬辰十二月車駕東狩後即事

元好問

翠被葱葱見執鞭
戴盆鬱鬱夢瞻天
只知河朔歸銅馬
又說臺城墮紙鳶
血肉正應皇極數
衣冠不及廣明年
何時真得攜家去
萬里秋風一釣船

又

慘淡龍蛇日鬪爭
干戈真欲盡生靈
高原水出山河改
戰地風來草木腥
精衛有冤填瀚海
包胥無淚哭秦庭
并州豪傑今誰在
莫擬分軍下井陘

又

鬱鬱圉城度兩年
愁腸飢火日相煎
焦頭無客知移突
曳足何人與共船
白骨又多兵死鬼
青山元有地行仙
關西三月音書絕
落日孤雲望眼穿

又

萬里荆襄入戰塵
汴州門外即荆榛
蛟龍豈是池中物
蟣蝨空悲地上臣
喬木他年懷故國
野烟何處望行人
秋風不用吹華髮
滄海橫流要此身

又

五雲宮闕露盤秋
銀漢無聲桂樹稠
複道漸看連上苑
戈船仍擬下揚州
曲中青塚傳新怨
夢裏華胥快舊遊
去去江南庾開府
鳳凰樓畔莫回頭

述時事

張翥

天子臨軒授鉞頻，東南何處不紅巾。
銖衣遠道三軍老，白骨中原萬鬼新。
壯士精誠虹貫日，仙家談笑海扬尘。
只將滿眼淒涼淚，哭盡平生幾故人。

存道元帥師宗感時及陡溯山竦刀寨入貢次韻
二詩送歸關戍

徼外頻驚羽檄飛，將軍三起着戎衣。
空山狐兔無藏窟，平陸龍蛇有殺機。
已見趙陀知漢德，更令孟獲識天威。

此行整頓蠻荒了
菁雨瀘烟好賦歸

又

犀蠻連歲開滇中
陡遡山前喜掛弓
萬里籌邊頻却敵
半生憂國早成翁
塞垣烽火方無警
幙府文書已上功
奏賦歸來五雲閣
漢廷不獨數嚴終

乙未二月十九日喜雪適間道使賁至托克托太師

出征詔因賦

袁津

紛紛朔雪南飛夜
萬里河山總漢朝
鐵馬渡江春陣合

玉龍吹海曙光搖中天氣正妖氛豁南國春深瘴癘消
最喜天威行肅殺布衣有分樂漁樵

節婦

王士熙

寒窻機杼泣秋風鏡影鉛雲不汝同明月有光生夜白
貞松無夢妬春紅羅襦舊繡天吳拆線綺離絃海鶴空
陌上行人指華表閉門踈雨落梧桐

四川張萬戶夫人貞節

貢師泰

白帝樓前巷陌深將軍旌旆正沉沉玉簫聲斷孤鸞曲

綠綺絃空別鶴吟豈是人生輕一羽要知妾死重千金
春風塚上連枝樹只有韓憑會此心

巴陵女子韓希孟貞節

尚書子婦魏王孫清白傳家節更文諸將已捐南渡主
孤身猶抗北來軍血書衣灑巴陵月烈氣秋橫鄂渚雲
欲弔忠魂無覓處唯應瑤席從湘君

題張希孟中丞送畢申達提舉卷

虞集

十年七聘不還朝起為飢民夜駕輶嘉樹百年誰忍伐

生芻一束不能招西州華屋交遊少北海清尊意氣消
欲寫濟南名士傳泉聲山影晚蕭蕭

題文山集後

黃誠性

三百餘年樂育恩晚從科目得斯人崎嶇嶺海期年國
零落羶毛萬死身諸葛未亡猶有漢包胥欲泣更無秦
挑燈慷慨歌梁甫鬢髮蕭森慄鬼神

題丁文苑同年哀詞後

黃潛

自別瓊林雨露邊江湖目斷繡衣前禹門尚想龍初化

遼海驚聞鶴已仙
烈日秋霜空耿耿
重山宿草正芊芊
不才後死知何用
坐對諸郎獨泫然

題汪水雲詩集後

納新

水雲汪元量字大有錢塘人以善琴受知宋主
國亡奉三宮留燕甚久世祖常命琴奏因賜為
黃冠師南歸後數往來匡廬彭蠡之間若飄風
行雲世莫能測其去留之蹟江左之人以為神
仙多畫其像以祠之像至今有存者余至京師

因徐君敏道得水雲集詩凡若干首多紀其亡
國時事讀而哀之成二律以識其後

三日錢塘水不波子嬰繫組納山河兵臨魯國猶絃誦
客過殷墟獨嘯歌鉄馬渡江功赫奕銅人辭漢淚滂沱
知章喜得黃冠賜野服閒雲一釣蓑

又

一曲絲桐奏未休蕭蕭笳鼓禁宮秋湖山有意風雲變
江水無情日夜流供奉自歌南度曲拾遺能賦北征愁

仙人一去無消息
滄海桑田空白頭

謝甘允從寄東海白苧

虞集

海國練衣雪色明
寄將千里見高情
着隨野鶴渾相稱
行近沙鷗亦不驚
江露滿船歌醉起
爐烟攜袖憶詩成
秋風遊子偏愁予
誰采蘋花共晚晴

送袁待制扈從上京

日色蒼涼映赭袍
時巡母乃聖躬勞
天連閣道晨留輦
星散周廬夜屬橐
白馬錦韉來騶裊
紫駝銀甕出蒲萄



從官車騎多如雨祇有揚雄賦最高

送王參政上京奏選

馬祖常

滇池細馬踏龍沙參相朝天路不賒峽裏琴泉春作乳
月中珠樹夜成花三千禮樂尊儒術百二山河壯帝家
魚上禹門無點額直郎宣奏日常衙

又

千官吉日聽宣麻白髮詞臣帝汝嘉池鳳有毛皆五色
蕊珠無樹不三花綠綈詔底書分雨紅錦囊中字剪霞

天路北盤三十六歸時秋月滿京華

送王繼學參政赴上都奏選

雅勒呼

參相朝天引列曹三千碩士在鈞陶雲開鳳閣星辰近
山拱龍門日月高行殿曉簾張翡翠內家春酒泛蒲萄
經綸自有河汾策敷奏明時豈憚勞

送張兵部巡視運河

虞集

畫橋冰泮動龍舟鴨綠粼粼出御溝使者旌旗穿柳過
人家鳬鴈傍溪浮桃花吹雨春牽纜江水平堤夜唱籌

應有餘波方浩蕩不令歸櫂恨淹留

送蘇伯脩御史之南臺

雅勒呼

天上詞臣賈莫雙乘驄此日莅南邦梅花路遠宜逢雪
桃葉波平好渡江千里蒼生瞻繡斧十州使者避旌幢
同袍知己如相問已許閒吟老北窓

送閻子靜廉訪浙西

趙孟頫

翰林華蓋逼青冥憲節乘驄出帝城海內文章歸渾厚
浙西民物望澄清姑蘇落日荷花淨震澤秋風橘柚明

憶向玉堦承聖語早聞黃閣慰蒼生

送李彥方閩憲副使

陳旅

海濱赤子窮無告帝遣儒臣着繡衣
天祿閣中書灝灝越王山下馬駢駢
魚風滿港榕陰合燕雨吹簾荔子肥
一道澄清俄頃事使星還向紫垣飛

送杜德常僉憲之河南

施鈞

玉堂學士草堂仙濟世英才間世賢
憂國正操言事筆移官又買載書船
風搏渤澥三千水雲擁蓬萊尺五天

卷十一
更到鳳池春好處紫薇香煖御爐烟

送莫經父廣憲經歷

虞集

延春閣下承恩日是我經帷侍講時方擁青編臨綺席
遙看朱紱拜丹墀風微細草鳴珂珮日煖飛花近鬢絲
上憶遠人常軫念莫言南海是天涯

送李唐臣調山南憲幕

成廷珪

潮落寒汀水欲冰酌君何惜酒如澠人憐狗監知司馬
我喜龍門識季鷹爽氣九秋橫楚澤先聲一日到江陵

君行自厲青雲志，斥鷃終慚九萬鵬。

送岳敬德提舉甘肅儒學

趙孟頫

苦欲留君君不住，奮髯躍馬走甘州。
功名到手不可避，富貴逼人那得休。
春酒葡萄歌窈窕，秋沙首蓓飽騅驎。
儒冠也有封侯相，萬里歸來尚黑頭。

送吳行可赴汀州摠管

七閩南去路崎嶇，五馬承恩出帝都。
地氣喜聞今有雪，民生寧似昔無襦。
山城酒美傾鸚鵡，旅館春深聽鷓鴣。

他日相思應恨恨離筵不忍賦驪駒

送鐫縣尹赴山後白登縣任

雅勒呼

使君出宰近龍沙芳草淒迷是縣衙五月山溪猶積雪
三春庭樹不開花往時烽火通秦塞今日弦歌屬漢家
聖代行將徵卓茂莫嫌白髮負年華

送靳尹

李孝光

秋風吹女鬢成絲移病還家竟不疑官是伯強曾補處
身如元亮已歸時青山老去渾相識黃菊平生最受知

我亦相從上吳會夕陽騎馬看殘碑

送張仲舉赴金陵郡學訓潘純

攻苦食貧三十年才名不讓古人先
一經遠赴招賢幣千里寒移坐客氈
書擔曉爭京口渡布帆春上石頭舡
秣陵秋色秦淮月夜夜吳山几案前

送胡允中赴吞萬戶府學正張翥

遼水窮邊摩該東鎮人今始識儒宮
詩書直化三韓外文軌須令萬國同
隼度塞雲秋有雪鰲鼉海浪晝多風

金少口入人三
卷十一
知君回首神州路一抹青山落照中

送燕將軍出獵

薩都拉

將軍一戰山河定雲漢昭回玉帳高柳外解鞍春洗馬
月中飛箭夜鳴鵑呼鷹走狗清時樂斬將塞旗舊日勞
白面官官催賜酒漢廷不數霍嫖姚

送瓊州萬戶入京

台哈布哈

海氣昏昏接蜃樓颶風吹浪蹴天浮旌旗晝捲蕉花落
弓劍朝懸瘴雨收曾抱烏號悲絕域却乘赤撥上神州

男兒墮地四方志須及生封萬戶侯

送姚子章之浙東帥掾

姚文煥

海右桓桓大府開望中雲氣近蓬萊借籌底用平蠻策
草檄須煩倚馬才玉節旌旄江上見明珠翠羽日南來
遙知博望沙頭月為照乘槎萬里回

送文郎中赴交趾

柳貫

天子龍飛統萬邦玉符封檢下殊方遠人盡是雕題獠
奉使唯應粉署郎翡翠飛時銅柱濕鵬鵠啼處石門荒

炎風苦雨煩珍重
蔓葉檳榔取次嘗

送省郎楊耀卿使雲南

李材

飄飄使節出金閨
郭隗臺前暫解攜
天入五溪無鴈到
地經三峽有猿啼
子雲舊里風烟在
太尉家聲日月齊
後夜客槎何處望
秋河迢遞碧雲低

送伯生使蜀

吳全節

送別應思舊所經
秦川花柳短長亭
三峰高拊仙人掌
萬里先占使者星
錦水東流江月白
潼關西去蜀山青

當年不盡登臨意待汝重鐙劍閣銘

送伯生代祀還蜀用袁待制韻

王士熙

蜀道揚鞭舊險摧家山遙認碧崔嵬奉香暫別金鑾去
題柱真乘駟馬來祠罷汾陰迎漢鼎路經驪谷弔秦灰
歸釐宣室虛前席不似長沙速召回

送唐尊師祀武當

揭傒斯

龍袞分香下絳霄羽人承詔出清朝星臨翼軫南垂潤
神降虛危北極遙金殿壓雲開紫氣玉臺和月合瓊簫

蕃釐更為吾王祝下國時豐雨露饒

送姚利用入京

鄧文原

雪晴川淨駕飛輓舟入河冰二月開壯士不緣彈鋏去
故山曾見爛柯來上林淑氣催花柳盛代英雄摧草萊
青眼諸賢如問訊為言衰病懶登臺

送達公之京

錢惟善

龍飛天子中興年使者弓旌集俊賢閭闔早朝班玉笋
瀛洲夜直賜金蓮五經同異須劉向三絕才名數鄭虔

黼黻當年遺老在長歌黃鵠送樓船

送陳文理還京

員怡然

十年不見老元龍髯鬚蕭蕭帶朔風萬里關河秋月白
九重宮闕曉雲紅功名有分皆身外聚散無憑似夢中
問我能來定何日移家今在五門東

送歐陽原功謁告歸瀏陽

虞集

曉捧新書進御床解纓隨見濯滄浪歸鴻不計江雲濶
倦驥空懷野水長竹簟暑風魂夢遠茶烟清晝鬢毛蒼

簾輿千里宜春道投老相求訪石霜

送原功大監南歸

吳全節

漸覺文星闕下稀奎章兩見送行詩渭城朝雨歌三疊
湘水秋風賦九疑國典紬金藏鳳閣詞臣步玉即龍墀
席前時有蒼生問可向江南久別離

送許魯齋歸山

張易

諸相纍纍入省闈先生何事獨西歸心隨道隱貧非病
老得身閒古亦稀行色一杯燕市酒春風二月楚山薇

到家已及蠶生日布穀催耕隴麥肥

送元復初

陳益稷

江流脈脈草離離黃鶴磯頭酒一卮報國寸心憐我老
論交半面識君遲正當重鼎調梅日又是長亭折柳時
滿載詩書歸路穩鳳城依約更相期

賦得飛鴻送胡則夫

楊載

年年客裏見飛鴻成陣成行上碧空杳杳江湖尋故侶
蕭蕭蘆葦下新叢翱翔已出雲霄上飲啄寧來沼沚中

今日似君歸去好扁舟一葉起東風

送同知任君玉西歸

蘇天爵

薇花曾見照青春今日都門又送君入蜀使迎新太守
渡瀘人識舊將軍琴聲彈落巴山月馬首披開劔閣雲
見說西州民事簡客來多誦長卿文

送袁德平歸越

王士熙

平湖如鑑淨秋波禹穴西風捲薜蘿狂客有船都載酒
道人無字不籠鵝床頭舊笏青雲近窻下殘編白雪多

燕市塵深拂衣去海門何處問漁蓑

送沈弘

缺

歸湖州

祝蕃

不到湖中今十年幾回夢遶白鷗邊
年姚二老風流盡
文趙諸公甲第連
頗覺筋骸非往昔
已拚文字讓時賢
沈郎歸去如相問
為說晴江有釣船

送危伯明教授南歸

章士熙

鯉魚吹浪柳花香
春水還乘

缺

計航天外青藜歸太乙

人間華髮老文昌
疾風筆陣開生練
細雨書談校底囊

金少卿八人三
卷十一
好為聖朝宣教鐸育才取次進明光

送楊士安歸長安

成廷珪

落魄麻衣不受塵黃金揮盡只清貧
新豐市上酒濯足
韋曲城南花惱人
豪傑謾誇秦
逐客漁樵能話漢
功臣
清時老去丹心在
且把長竿釣渭濱

送有亨姪還錢塘

貢師泰

嗣宗諸姪仲容賢
客路飄零雪滿顛
曾為頌椒畱子美
却思戲蠟愛僧虔
十年江海三杯酒
百里溪山一釣船

何日兵戈得休息敬亭春雨共歸田

送俞伯疇歸淞東

張翥

四明游客住京都旅舍青燈照影孤
家信幾番黃耳犬鄉心一夜白頭烏
却攜長鋏辭金水直掛輕帆過鑑湖
為問蠡吾王太守別來安穩有書無

送人歸天台

范鈞

君去丹山伴赤霞忍分書劍各天涯
交情十載共為客歸夢幾番回到家
一路煖雲蒸藥氣半溪流水引桃花

金庭好問長生訣莫待秋風兩鬢華

送金華史學錄回永嘉鴈蕩

青衫洗盡泮宮塵三載琴書又問津
海濶正憐鷗去遠山深須遣鴈來頻
沈郎風月詩俱瘦謝老池塘草自春
莫笑廣文官獨冷長安一日看花人

送人遷鄞分題得五湖

五湖烟水寄浮萍濟世英雄霸業成
故國當年空鑄像扁舟到處却更名
浪花低蘸寒星濕秋影中涵曉月明

別後相思蘋夢遠西風誰共白鷗盟

送章生南歸省覲

雅勒呼

二月寒風卷白沙行人回首望京華
江村日暮多逢雨山路春深少見花
萊子過庭榮彩服葛翁罷縣富丹砂
送君未得隨君去鄧水東邊是客家

送趙秉彞親迎江夏之官臨川

婀娜新衣錦繡重美人今夕過湖東
一聲鐵笛千家月十幅蒲帆萬里風
孔雀畫屏占貴客甘棠嘉樹詠先公

墨池光動凌雲筆春滿花封賦更雄

送吳子高還江夏

庚申春予在江夏嘗賦詩送子高之沅庚午子
高復來會于京師因求偶而還復作此以餞

黃鶴磯頭惜袂分京華回首又離羣十年南北兩為客
萬里中間一見君訪舊眼前星落落驚新鬢底雪紛紛
歸時莫過臨邛令應有王孫識賦文

送人還鄱

李孝光

東西湖水百花洲
行子歸時雪已收
明月可能隨客去
浮雲自足使人愁
重來柳樹應千尺
相見梅花隔數州
我亦高歌望吾子
春風好在仲宣樓

送巨德新

王士熙

渭城秋水泛紅蓮
白雪梁園作賦年
金馬朝回門似水
碧鷄人去路如天
揚雄宅古平蕪雨
諸葛祠空老樹烟
小隊出遊春色裏
滿溪花朵正娟娟

送臨川謝有源赴閩醫提領

柳貫

一路青山荔子叢，華山西望粵臺東。
家風蘭玉庭階上，官事參苓藥籠中。
鷁首去乘潮浪白，蠟房催出酒波紅。
福州自是炎蒸少，臘雪飛花落半空。

送砥平石過天竺無簡鄧善之

戴帥初

聞說西湖也自憐，君行更是早春天。
六橋水煖初楊柳，三竺山深未杜鵑。
舊壁苔生尋舊剝，新岩茶熟試新泉。
城中諸友須相覓，西蜀遺儒解草玄。

送謨侍者還江陰

張翥

禪戒無塵錫杖青一龕天竺更南屏楊枝徧灑瓶中水
貝葉時繙笈內經舊業池菱秋漠漠歸舟江樹曉冥冥
今朝又作蕪城別何處鐘聲入夜聽

送復上人遊吳

熊太古

二月鍾陵花滿烟袈裟東上木蘭船地浮彭蠡江聲轉
山入姑蘇海氣連千里從師應未晚五湖為客謾多年
遙知後夜相思處坐看中天好月圓

送復見心住定水

宇文公諒

定水招提鳴鶴東鑑湖歸去泛孤蓬鉢衣不濕荷花露
玉塵遙生桂子風山靜祇看雲自動江澄莫訝水如空
沃洲有約尋支遁還許清談共野翁

送僧遊廬山

丁復

廬山曹南山水多石梁顛倒掛銀河仙燈夜半天人落
佛屋春深海客過五老芙蓉還在陶公楊柳定如何
布帆又起江湖興應道西風動薜蘿

送僧遊浙東

我家浙東海水西危峰高上起天梯蛇喉尊者秋歸洞
虎背禪師夜過溪曉日桃花山更好春風藥草路多迷
何堪相送寒江上短髮頻搔更不齊

送僧上天衣寺范鈞

錫影孤飛下十峰定身分住翠芙蓉岩雲曉伏參禪虎
溪雨晴收入鉢龍香洗供花吟對月清浮談塵坐依松
我來欲遂林泉約金碧樓臺第幾重

送間間真人謁告歸為二親八十之壽無降香名

山趙孟頫

許邁楊羲奕世仙木公金母共長年
斑衣歸戲番君側
絳節朝辭玉帝前去去青牛隨紫氣
飛飛白鶴遶香烟
大椿自得人間壽八十從今數八千

送張秋泉還山

上界真人不可招九重丹詔許逍遙
已從萬里開真館
又入天台訪石橋紅日玉臺香冉冉
碧雲金水路迢迢
何年再覓神州觀芝草琅玕雨露饒

送戴真人歸天台

躍馬年年塞北遊，春風此日送歸舟。
山中老樹飛玄鶴，江上莎長卧白鷗。
未許謝公同隱逸，肯容賀監獨風流。
山陰道士如相會，沽取村醪醉未休。

送詹尊師歸廬山

揭傒斯

香鑪峰色紫生烟，一入京華路杳然。
雲碓秋閒春藥水，雨犁春卧種芝田。
書憑海鶴來時寄，劍自潭蛟去後懸。
忽報歸期驚倦客，獨淹微祿負中年。

送道士薛玄卿歸江東

知君此去漸難招，只在人間已廓寥。
市上有時逢賣藥，山頭何處覓吹簫。
仙岩花落溪流滿，鬼谷雲開樹色遙。
若見漁人應問信，玉京涼月夜蕭蕭。

送妓入道

段天佑

歌舞當年第一流，洗粧今日別青樓。
便從南嶽夫人去，肯為蘇州刺史留。
琳館月明簫鳳下，瑣窻花老鏡鸞收。
却憐愁絕潯陽婦，嫁得商人已白頭。

効唐人歸宮人入道

陳安

長門一別赴琳宮
寧復中官促繡工
紅葉人間無舊夢
碧桃天上自春風
步虛尚覺神光近
歸院還疑輦路通
猶有內家簫管在
夜深吹向月明中

揚州別幹克莊僉憲

貢師泰

紅日東生綠霧收
海風吹客到揚州
露分仙掌金盤冷
香動瓊花玉樹秋
使者乘驄開大府
仙人騎鶴醉高樓
朝來別我垂楊岸
珂珮如雲簇水頭

別友人 施鈞


別酒相傾別淚流
江流亦不為君留
片帆今夜又何處
明月滿天誰共樓
一鴈叫霜紅入葉
十年為客白侵頭
莫嫌歸計多蕭索
三逕西風菊正秋

留別京城諸公 李京

蒼龍雙闕鬱嵒巍
曾侍鴛鴦赴早朝
往事都隨塵袞袞
虛名贏得鬢蕭蕭
長林豐草空相憶
瘴雨蠻烟苦見招
借問都門門外柳
為誰留著最長條

畱別克呼彥卿學士 雅勒呼

十年帝里共鳴珂別後悲歡事幾多
汗竹有編歸太史
雨花無跡染維摩
湘江夜雨生青草
淮海秋風起白波
明日扁舟又南去
天涯相望意如何



元詩體要卷十一

欽定四庫全書

集部

元詩體要卷十二至
四

詳校官中書臣瞿照

助教臣常循覆勘

總校官庶吉士臣何思鈞

校對官學正臣常循

謄錄監生臣舒秀岐

欽定四庫全書

元詩體要卷十二

明 宋公傳 編

七言律

寄同年宋吏部

台哈布哈

金鏡承恩對紫微
錦韉白馬耀春暉
漫隨仙仗朝天去
不記宮花壓帽歸
海國風高秋意早
關河雲冷鴈聲稀
嗟予已屬明時棄
自整綸竿覓釣磯

寄李供奉因病不聽詔

丹鳳銜書出內廷羽林環衛擁霓旌千官拜舞開仙仗
四海謳歌荷聖情香霧細含宮柳碧日華遙射錦袍明
侍臣亦有文園病卧聽龍墀鼓吹聲

寄進士額森布哈仲實除侍儀通事舍人

薩都拉

舍人楚楚好容儀立在清朝白玉墀紫袖窄衫花萼繞
黃金小帶荔枝垂綵旗拂柳春班卷官漏穿花午仗移
朝罷清明無事日芙蓉葉上好題詩

寄福建僉憲馬叔惠

虞集

荔子枝頭火齊紅，高堂紉扇坐薰風。
湘筠簟冷魚波合，海柏梁深燕雨通。
絡緯豈知秋袂薄，戾戾長憶曉淪同。
禁城來看花如錦，誰道清霜解惱公。

寄家大參南歸

林景熙

濱死孤臣雪滿顛，冰瓊噉盡偶生全。
衣冠萬里風塵老，名節千年日月懸。
清唳秋荒遼海鶴，古魂春冷蜀山鵲。
歸來親舊驚相問，未忝離離夕照邊。

寄海南故將軍

虞集

海上風來五月秋
晚涼應上木蘭舟
金盃丹荔生南國
玉盃清冰出北州
狂客醉歸花作陣
美人歌罷月如鉤
期門舊識將軍面
從獵還披翠羽裘

寄鄂李弟幼霖并寄仲弟次舟

傳若金

弟兄終歲長羈旅
南北何時却定居
春至數瞻衡嶽鴈
秋來猶食武昌魚
每愁年長須經事
即恐家貧廢讀書
仲氏應門獨辛苦
平安消息近何如

又

吾親霜鬢日紛紛為客艱難不使聞
養老只須常善飯
生兒何必搃能文書同洛下思黃耳
心似河陽見白雲
季弟還家報兄好歸期猶恐過春分

寄史公升

袁桷

故國王孫佩楚蘭春雲涼月倚朱闌
玉簫曲趁鶯聲轉
金鼎香隨蝶夢殘碧泚波深堪把釣
黃塵風急倦彈冠
外家丰采唯君在笑我冰髭跨曉鞍

寄楊飛卿

元好問

客夢悠悠信轉蓬
藜床殷殷動晨鐘
西風白髮三千丈
故國青山一萬重
沙水有情留過鴈
乾坤多事泣秋蟲
三間老屋知何處
慙愧雲間陸士龍

寄直夫

元明善

嶽雲低接使君舟
湘水無波桂樹稠
井冽自涵千古月
絃清誰寫一簾秋
青楓路暗空多夢
白鴈天遙不見愁
聞說匡廬當稅駕
策勲殊未到滄洲

寄楊仲弘

杜本

老來自愛黃叔度少日真期魯仲連
高卧獨無田二頃曳裾誰有客三千
滄波渺渺浮鷗鷺白日翩翩換歲年
却憶江東楊少尹劇談終夜不成眠

寄詹景仁

庾嶺梅花玉雪明使君持節五羊城
白雲渺渺思親意滄海悠悠戀闕情
秋氣肅時鷹隼擊朝陽和處鳳凰鳴
山中芝草琅玕長何日歸來掇絳英

寄曹西雲楊載

羨君卜宅遠紛厖長把絲綸釣大江
秔稻色枯雲慘慘
菱荷聲急雨淙淙消磨歲月書千卷
傲睨乾坤酒一缸
甫里當年遺帙在交鋒那肯豎幡降

寄陳敬初郊九成

張翥

憶昨闔門綰柳條遠煩相送過楓橋
夕陽陌上東西路
春水江頭早晚潮老境此心唯白社
英年何處不青霄
詩林別後應俱進時遣郵筒慰寂寥

寄成居竹隱君

青袍朝士困京華
此老蕭閒竹滿家
山壓窮愁詩強項
海枯渴肺酒槎牙
商巖未採芝如草
彭澤歸來菊有花
孤負江頭理漁事
短篷春雨夢滬沙

獄中寄何平子

萬石德躬

春風綠草徧天涯
恨殺王孫不到家
在晉有人書甲子
避秦無地種桃花
世途多險千金散
心事難平兩鬢華
何日脫身塵網外
好從仙客學丹砂

寄萬石德躬

鄧紹先

禮樂河汾費討尋郢歌一曲想鳴琴烟花故國三春夢
劍佩空山此夜心天上鳳麟來瑞世人間風雅起淳音
白頭肝膽平生友霄漢相期意獨深

寄隱士

馬祖常

林下蕭然一病身可憐家計若為親葛衣藤蔓供山貢
菰米蓮房給水珍鶴子見貧能代僕犬兒知主會憎人
清朝日日宮旌出誰說巢由不肯臣

寄道士甘益謙

江仲偁

梅花滿樹雪晴初
短髮經秋不奈梳
匣拂綠塵看古劍
朱研清露勘殘書
霜寒楚岫猿聲遠
月冷秦關鴈影疎
却憶道人無一事
紫雲深處好樓居

寄開元奎律師

袁桷

雙塔亭亭透夕陽
芭蕉深處碧窗涼
江神夜聽光明偈
天女朝分解脫香
齋鉢午空烏守樹
經堂雲冷鶴歸房
平生欲結西方杜
似怪淵明作吏忙

寄俊上人

張翥

不見俊公今十年武林留偈竟茫然
苔溪寺已空塵劫蒲室燈還有別傳
晒衲石根隨夕照題詩竹裏濕秋烟
何時近一牛鳴地老去山中伴夜禪

寄智及上人

故人遠在越江南何日相尋過海帆
少借禪房一十笏全繙經藏五千函
寒爐撥火宜煨芋夜月裁詩定倚杉
擬結願香歸未得碧蓮花老補陀岩

寄見心上人次韻

自入赤墀青鎖間，舊遊禪侶亦闌珊。
青山只憶招提境，白首初辭供奉班。
馬為空羣猶躑躑，鳥能求友自關關。
終期一舸相尋去，知在姚溪第幾灣。

又

見說錢塘別築城，淒涼風景若為情。
湖堤柳盡曾遊路，石壁苔荒舊刻名。
老我無能如燭武，何人可飲勝公榮。
沃洲勝會還容續，即擬山中隱計成。

又

蓮花峰下天香樹吹老西風幾度秋僧寶師真洪覺範
詩窮我亦孟參謀文章宇宙十年事身世江湖萬里舟
甚欲相期石橋路更須同訪羽人丘

寄同別峰

李孝光

雨洒高城柳散絲扁舟長憶送君時前時書去惟憑客
今日詩成欲語誰脩竹娟娟當石淨歸雲故故入山遲
平生不解求人識慚愧黃金鑄子期

上秦王巴延太師右丞相

上官伯圭

今代麒麟第一功
勲王師相錫秦封
作為霖雨三農望
旋轉乾坤萬國宗
龍虎臺前春盎盎
鳳凰池上日溶溶
曳裾舊是王門客
又侍金鑾入九重

贈汪水雲

李吟山

青雲貴戚玉麒麟
兒曾逐鑾車入紫闈
王母窻前窺面日
太真膝上畫眉時
滄溟水闊龍何在
華表秋深鶴未歸
三尺焦桐千古意
黃金誰與鑄鍾期

贈孫思順

楊載

天涯相遇兩相知對榻清談玉屑霏芳草謾隨愁共長
青春不與客同歸薰風池館蛙聲老落日簾櫳燕子飛
南浦他年重到日湖山應識謝玄暉

贈白君舉

鄧文原

崑崙西日水東溟何處東風起獨醒遠道雲烟今古樹
行人朝暮短長亭草鋪平野春如剪花落重門晝不扃
不有茅茨容笑傲終南山色與誰青

贈道士

虞集

神室誰開自洞微紫烟為戶玉為扉春容澹泊胎仙舞
夜景虛明脈望飛繞指風雷龍睡醒滿囊雲錦虎馱歸
猶嫌長物煩聞見更上高臺一振衣

贈丹士

神仙有訣鍊丹砂服食三年鬢不華自有錦囊收曉露
何妨玉盃泛春霞倚松吟笑風生袖采藥歸來月滿沙
肘後方聞多至劑青黏何日到山家

贈竇神清歸隱茅山

翩翩歸鶴自遼東又向茅山擬住冬啄食定依何處竹
結巢應得古時松雪滿空山騎一虎月明秋水佩雙龍
別來彷彿三十歲亦欲還栖第一峰

贈劉尊師

薩都拉

羽人推轉阿香車童子穿松入翠華天上賜衣霑雨露
山中詩錦織雲霞瑤壇紫氣秋橫劍石室丹光夜走砂
擬借茅君三白鶴乘風騎到玉皇家

贈天台李鍊師

貢師泰

翠蛟青鳳下晴空
家住天台第幾重
歲久松肪成琥珀
夜深丹氣出芙蓉
仙童奏簡騎文虎
太乙懸旗起絳龍
昨夜從師到天上
故山還著白雲封

贈大樞上人
鄭茂先

西湖乘興浩無涯
簫鼓豈辭途路賒
萬里秋雲飛錫杖
孤城暮雨濕袈裟
少年江海宜為客
何處山林不是家
此別應須到廬岳
遠公寺裏看蓮花

次韻國子監同官
虞集

坐隱烏皮屨肉銷諸生應笑懶
邈韶階前老馬隨秋草
袖裏遺編候早朝乞米西鄰晨有粥
畱家南國暑無綃
經明亦是歸耕好清夢無時萬里橋

次韻交趾偽少保國相丁公文

陳孚

一雨隨車洗瘴烟大鵬還擊水三千南來未了維摩病
北去空思達磨禪使節尋常銅柱外天威咫尺玉階前
臨岐握手無他語畱取忠貞照暮年

次韻章德一

趙孟頫

水色清漣日色黃梨花淡白柳花香即看時節催人事
更覺春愁惱客腸無酒誰供陶令醉從人皆笑酈生狂
城南風暖遊人少自在晴絲百尺長

又

片片飛花欲送春萋萋碧草又愁人黃蜂釀蜜經營急
紫燕銜泥來往頻才似茂陵非晚遇美如曲逆不長貧
久知求富都無益但喜論詩若有神

和家弟誠之韻

段克己

欲歸誰不遣君歸却恨歸來事事違烽火未休家信少
山川良是故人稀黃金入手還能散白髮盈頭不肯飛
試問春愁都幾許長江衮衮日輝輝

和危山臞寄弟韻

傳若金

故園兄弟摠相思久客懷歸屢失期司馬却慙題柱早
東方翻恨上書遲都門柳暗愁中見鄉國花繁別後知
昨日南橋訪春水望雲回首獨多時

和汪以敬病中作

咸景年

白髮將軍少健強，經旬寂寞卧空床。
涉江問病出城早，下馬入門聞藥香。
深院雨晴蒼蘚合，小樓人散綠陰涼。
家書不到春先暮，昨夜新裁白苧裳。

酬王昭儀

汪元量

愁到濃時酒自斟，挑燈看劍淚痕深。
黃金臺迥少知己，碧玉調高空好音。
萬葉秋風孤館夢，一窗夜雨故鄉心。
庭前昨夜梧桐語，勁氣蕭蕭入短襟。

酬虞伯生學士

杜本

滿窗風雨夜沉沉，獨對青燈萬古心。
徒有故人憐白髮，自無奇骨換黃金。
茅檐暖日雖堪獻，竹簡遺經政用尋。
豈愧執鞭非所好，甘隨麋鹿放山林。

答翟文中

張翥

獨對孤燈思往事，偶聞疎雨落寒窗。
愁邊白髮三千丈，夢裏青山十四雙。
蜀魄有聲疑訴國，楚招無些憶沉江。
只應詩思如君苦，吟斷遙鐘響曙撞。

七月望日思親

許衡

思却千思與萬思音容無復見當時草窻夜靜燈前語
疏圃春深膝下嬉將謂百年供色養豈期一日變生離
泰山為礪終磨盡此恨綿綿未易衰

得家書老母未允迎侍之請有懷而作

葉李

一紙書來淚不禁白雲空有夢相尋孤松歲晚風霜

缺

寸草春暉母子心漢史保身稱郭泰孔門言孝予曾參
嗟予二事俱成誤三復南陔恨轉深

懷錢塘故人東應中父

楊載

幾年留滯客京師每憶江邊話別離落魄已甘心似鐵
蹉跎無奈鬢成絲草玄思苦無人問彈缺歌長只自悲
滿目塞雲飛去盡倚筇獨立更多時

懷翟文中

張翥

君留越甸長懷我我在京華幾夢君佳句每從愁裏得
遠書忽向病中聞船來海口人爭岸兵滿淮南火照雲
今日臨風倍淒斷白頭清淚共紛紛

舟過清江憶范德機

虞集

歸來海上鬢成絲
所謂伊人獨繫思
千載清風東漢士
百年高興盛唐詩
離離宿草秋雲斷
采采黃花夕露滋
山水含暉無盡意
他生何處了襟期

又

玉堂風日擅揮毫
海上馳驅歎二毛
太傅竟無宣室召
拾遺空署華州曹
孤兒衣食交遊古
百世文章墓石高
車過不畱應腹痛
寒泉秋菊賦離騷

懷方壺高士

成廷珪

塵湖山下足烟霞羨爾方壺道士家
雨後放龍耕綠野日中呼犬試丹砂
瓊林一路芝如草碧澗千年菊有花
正欲相陪此深隱半盂分我飯胡麻

懷舊次韻

龍仁夫

匹練潮頭寂寞飛五雲臺榭暖殘霏
坐看殷麥漸漸秀忽唱吳歌緩緩歸
仙井龍驚荒罅冷孤山鶴怨舊巢非
畫橈兒女貞元曲空繞年年細柳磯

懷古寄鐫仲鼎

仇仁近

吹殺青燈耿不眠滿襟懷古恨綿綿山中空識陶弘景
海上難追魯仲連秦榭月明吟木客漢宮露冷泣銅仙
何時一酌桃源酒醉倒東風數百年

七憶

張翥

憶錢塘

平湖十里碧漪風歌舫漁舟遠近同天竺雨餘山撲翠
海門潮上日蒸紅傷心花月隨年換回首閭閻委地空
白髮故人零落盡浮生悵望夢魂中

憶姑蘇

讓王城外暮雲黃
忍使行人哭戰場
臺上麋遊香徑冷
陵頭虎去劍池荒
竹枝夜月歌仍怨
萼菜秋風興謾長
不是不歸歸未得
五湖烟水正茫茫

憶會稽

千岩秋色徹
曾霄憶昔來
乘使者輶
翠袖屢扶蓬閣醉
籃輿時赴寶林招
山陰客已無
春會溪上風猶送
暮樵
此恨古今銷不盡
西陵寂寞又回潮

憶維揚

蜀岡東畔竹西樓十五年前爛熳遊
豈意繁華今劫火空懷歌吹古揚州
親朋未報何人在戰伐寧知幾日休
惟有滿襟狼籍淚何時歸洒大江流

憶金陵

昔年曾上鳳凰臺二水三山眼界開
六代繁華春草歇千年興廢暮潮哀
燈窗禪坐時聯句山館仙遊幾引盃
最是令人愁絕處夕陽雙燕自歸來

憶吳興

憶汎苕華溪上舡故人為我重畱連
半山塔寺藏雲樹繞郭樓臺住水天
白榜載歌明月裏青帘沽酒畫橋邊
計籌山下先塋在欲往澆松定幾年

憶閩中

漫漫際海漲天涯萬里曾乘使者槎
梓澤重尋仙客洞草堂頻醉故侯家
人多熟酒燒藤葉市有生蠻賣象牙
安得夢中真化蝶翩然飛上刺桐花

憶廣陵舊事

君王昔在鎮南年
賓客風流日滿筵
上國旌旗分一半
層樓歌舞宿三千
豪華遽盡悲離黍
形勝空存慘暮烟
多少楚魂歸未得
江流無際海連天

紀舊遊感興

趙孟頫

二月江南鶯亂啼
百花爛熳柳依依
落紅無數迷歌扇
嫩綠多情妬舞衣
金鴨焚香川上暝
畫船撸鼓月中歸
如今寂寞東風裏
把酒無言對夕暉

丁丑三月七日會同年于城南 黃清老

曾記城南尺五天重來攜手宴同年春風遠塞葡萄酒
明月佳人玳瑁筵苔上藥闌紅染露鶯啼柳逕碧生烟
璚林十載多離別欲拂金徽思眇然

省官宴試聞諸公于滕王閣次摠管李子威韻

黃彝

盛筵勝地憶閻公今日誰知此會同滿座盡為千里客
一時獨借片帆風花搖絳蠟波光上甲蘸紅螺月影中
醉倚闌干送飛鷺蓬萊縹緲五雲東

貴家招飲不赴

施鈞

我在山林鹿作羣，君為天上玉麒麟。
莫將綵樹燈前酒，來醉梅花月下人。
白屋不生三閣夢，青山那識五陵春。
行吟每到看松處，自有漁樵作主賓。

天使館夜宴却侍姬

傅若金

夜宿安南天使館，主人供帳爛相輝。
寶香燼起風過席，銀燭花偏月照幃。
王母謾勞青鳥至，文簫先放彩鸞歸。
書生自是心如鐵，莫遣行雲亂濕衣。

登南岳祝融峰

趙世延

天風吹我躡雲根一覽羣山蟻垤紛瀛海波翻初日上
石壇人語半空聞炎荒作鎮荆吳遠元氣流形天地分
何日束書煨芋室孤峰絕頂看浮雲

登南岳

傅若金

萬壑千峰次第開祝融最上氣崔嵬九江水盡荆揚去
百粵山連翼軫來入樹恐侵玄帝宅牽蘿思上赤靈臺
明年更擬尋春興應及瀟湘鴈北回

登金山雄跨亭

薩都拉

朱闌六曲倚高秋，元氣茫茫日夜浮。
客去客來天地老，潮生潮落古今愁。
疎烟水國前朝寺，落日海門何處舟。
更擬黃昏盡餘興，却從燈火望揚州。

遊凌歊臺

燕敬

千年霸業水東流，古寺鐘聲落遠洲。
臺榭不興歌舞夢，江山空結古今愁。
雲開天影我眉曉，霜落潮痕采石秋。
幾度登臨倍惆悵，夕陽依舊水邊樓。

遊金山寺

成廷珪

放船重到金山寺，獨對滄江照鬢絲。
過客謾驚天險處，老僧曾見海枯時。
通宵月色魚龍喜，絕頂秋深鸛鶴悲。
開盡瓊花不歸去，妙高臺上要題詩。

遊李氏園

雅勒呼

金谷繁華轉眼非，國亡臺榭尚依稀。
荼蘼向日飄香雪，蛺蝶隨春弄粉衣。
撫景忽驚人易老，賞心渾與世相違。
花前惆悵流觴緩，欲問東君借落暉。

遊南城暮歸和伯器典簿正傳博士諸君韻

張翥

樓閣參差紫氣間，微風不動綵雲閒。
柳垂禁籞絲千尺，水遶宮溝玉一環。
春樹鳥聲圓似筦，夕陽馳影兀如山。
醉鞭緩緩吟歸去，燈火城東未掩關。

客燕郭昂

昨夜鄉關入夢遥，月明魂斷更誰招。
鬢邊白髮愁能種，囊底黃金日易消。
尺璧自慚投暗室，前途何處是青霄。
龍沙見說難容客，客八月尖風徹弊貂。

過羊腸坂

元好問

浩蕩雲山直北看，凌兢羸馬不勝鞍。
老來行路先愁遠，貧裏辭家更覺難。
衣上風沙歎憔悴，夢中燈火亦團圓。
憑誰為報東州信，今在羊腸百八盤。

交趾使還

陳孚

少年偶此請長纓，命落南州一羽輕。
萬里上林無鴈到，三更函谷有雞鳴。
金戈影裏丹心苦，銅鼓聲中白髮生。
已喜歸來身健在，夢回猶覺瘴魂驚。

鄂渚晚眺

黃鶴樓前木葉黃
白雲飛盡鴈茫茫
櫓聲搖月歸巫峽
燈影隨潮過漢陽
庾令有塵汙簡冊
禰生無土蓋文章
關干只有當年柳
畱與行人記武昌

正月十四夜宿巢縣

李孝光

旅食荆吳改歲年
春風遠道思綿綿
青山故遠周瑜墓
明月猶窺亞父泉
楚縣城荒唯畫角
灤湖日落有歸舡
天涯芳草萋萋綠
想見登樓憶仲宣

舟次湖口 虞集

江沙如雪水無聲舟倚蒹葭鴈不驚
霜氣隔蓬纔數尺斗杓插地已三更
拋書枕畔憐兒子看劍燈前慨友生
尚有乘桴無限意催人搖櫓轉江城

潯陽舟中 吳當

百年頭上着烏紗一日江邊踏釣槎
病似相如空有賦貧於杜甫更無家
漁歌楚楚蒹葭月樵笛村村躑躅花
事業已隨兵燹盡青門擬學邵平瓜

又

天地無情泪眼枯
故園松菊久荒蕪
秋風屋破從誰葺
春酒家貧祇自沽
萬里關山勞夢寐
孤舟煙雨落江湖
渥洼龍種空相憶
雲漢迢迢不易呼

夜宿通州楊太史宅

張翥

禁城東下一川平
杳杳烟蕪淡淡晴
風袞亂塵羊角轉
水披殘凍鴨頭生
離居有酒春堪醉
小市無燈月尚明
還憶故園今夜賞
玉人花底共吹笙

武定橋晚望

赤欄橋下暮潮空，遠火疎舂暝靄中。
新月半天分落照，斷雲千里附歸風。
嚴城鼓角秋聲壯，故國山川王氣終。
莫訝時來一長望，越吟荆賦思無窮。

小齋漫興

施鈞

世道非時懶屈人，小齋容膝且安貧。
河圖不出空歌鳳，魯史將終遇獲麟。
雲掩松窗低結暝，水行花徑曲流春。
近來頻得幽閑趣，幾夜青山入夢頻。

謾興

貢師泰

客懷寥落鬢鬢對鏡空慚雪一簪蒲葉野塘方綠漲
杏花春雨正紅甘心隨斗柄長瞻北身逐颺車復指南
夢覺午窻人寂寂一雙巢燕自呢喃

野興

馬祖常

滄洲梅發月生波屋角寒藤半挂蘿孤石隱林真似馬
亂雲渡水恰如鵝步隨野老逢人少閒過隣家有酒多
轉憶淮南粳稻熟夜歸衝雨借田蓑



城東觀杏花 虞集

明日城東觀杏花
叮嚀兒子早將車
路從丹鳳樓前過
酒向金魚館裏賒
綠水滿溝生杜若
煖雲將雨少塵沙
絕勝羊傅襄陽道
歸騎西風擁鼓笳

杏花落後分韻得歸字 元好問

獼能醫病頰肥鵲膠無奈
片紅飛殘陽淡淡不肯下
流水溶溶何處歸
煮酒青林寒食過
明粧高燭賞心違
寫生正有徐熙在
漢苑招魂果是非

八月三十日感傷 虞集

宮車曉送出神州
點點霜華入弊裘
無復文章通紫禁
空餘涕淚洒清秋
苑中首宿烟光合
塞外葡萄露氣浮
最憶御前催草詔
承恩回首幾星周

大都紅門外海子上即事 趙孟頫

白水青山引興多
紅裙翠袖奈愁何
祇從暮醉無朝醉
聊復長歌更短歌
輕燕受風迎落絮
游魚吹浪動新荷
餘杭溪上扁舟好
何日歸休理釣蓑

秋夜聞搗衣

露下碧梧秋滿天
砧聲不斷思綿綿
北來風俗猶存古
南渡衣冠不及前
首蓓摠肥宛騷裏
琵琶曾泣漢嬋娟
人間俯仰成今古
何待當年始惘然

溪上即事

溪上春風吹柳花
溪頭春水淨無沙
白鷗自信無機事
玄鳥猶知有歲華
錦纜牙樯非昨夢
鳳笙龍管是誰家
令人苦憶東陵子
擬向田園學種瓜

夢武昌 揭傒斯

黃鶴樓前鸚鵡洲夢中渾似昔曾遊
蒼山斜入三湘路落日平鋪七澤流
鼓角沉雄遙動地帆檣高下亂維舟
故人雖在多分散獨向南池看白鷗

獨立 鄧文原

數盡飛花一愴然壯心迢遞夕陽邊
十年人事空流水二月風光已杜鵑
過眼青春寧復得浣人黃土絕堪憐
故園尚有平生約可使蒼苔到石田

夜坐釋行已

破帽籠頭獨掩扉
畫灰成篆寫幽情
琉璃欲黑燈無燄
楫桹正紅湯有聲
鴈盡山中三尺雪
月斜窗外五更晴
江樓誰起夜吹笛
忍凍梅花恨不平

偶書花鈞

薄宦他鄉是楚囚
不堪孤倚夕陽樓
東山別後薔薇老
南國歸來薏苡愁
風月吟身清似鶴
江湖生事拙如鳩
鏡中秋老蓴鱸美
欲買烟波一釣舟

客中

半生書劍惜分陰誰想飄零素髮侵朋社有盟鷗聚散
客鄉無信鴈浮沉潮迴斷岸沙痕淺月落幽池樹影深
歸計未成愁入夢一燈空伴壁間琴

逃禪室與蘇伊舉話舊

丁鶴年

不學揚雄事草玄且隨蘇晉暫逃禪無錐可卓香嚴地
有柱難擎杞國天謾詫丹霞燒木佛誰憐玉露泣銅仙
茫茫東海皆魚鼈何處堪容魯仲連

述慈溪景

張翥

往年使過慈湖上風景依稀可畫傳紅葉樹藏秋水寺
白頭僧渡夕陽船竹林雨過山多笋漁浦潮來海有鮮
藉爾遠公能愛客不妨酬倡酒樽前

紀夢

楊載

海上垂綸已有年間居無事夢朝天蒼龍觀闕東風裏
黃道星辰北斗邊盛世只今逢五百前程何許隔三千
揚雄曾奏甘泉賦應有聲名達帝前

元文宗挽歌辭

虞集

中天太白貫晴虹
頃刻龍飛返上宮
萬國共賓暘谷日
羣臣忍抱鼎湖弓
潛蕃回首金山遠
顧命傷心玉几空
聖主已頒哀痛詔
蒼生有淚洒西風

挽文丞相

徐世隆

大元不殺文丞相
君義臣忠兩得之
義似漢皇封齒日
忠於蜀將斫頭時
乾坤日月華夷見
嶺海風霜草木知
只恐史官編不盡
老夫和淚寫新詩

又虞集

欲把金戈挽落暉
南冠無奈北風吹
子房本為韓仇出
諸葛寧知漢祚移
雲暗鼎湖龍去遠
月明華表鶴歸遲
不須更上新亭飲
大不如前洒淚時

挽文信公

汪元量

厓山擒得到燕山
此老從容就義難
生愧夷齊尚周粟
死同巡遠只唐官
雪平絕塞魂何在
月滿通衢骨未寒
一劍故知公所欠
要畱青史與人看

挽布拉吉達河南王

陳益稷

哲人萎矣棟梁傾回首西風淚暗零
三世功名今古史
百年過客短長亭手扶紅日名猶在身就黃梁夢不醒
記取汾陽舊勛業紫薇畱種繼芳馨

挽克呼濟蘇丞相稷山公

雅勒呼

五朝勛業著邊陲許國寧辭百戰歸
海上樓舡聞鼓角
遼東華表識旌旗青門圃廢多秋草
綠野堂空半夕暉
欲採蘋芳酌椒酒臨風惆悵獨沾衣

挽忠襄王

張翥

聖主中興大業難元戎報國寸心丹
軍中諸將驚韓信天下蒼生望謝安
羽檄北來兵氣肅樓舡南下海波寒
老臣擬直詞林筆細傳成功後代看

挽普大夫

陸景龍

英英正氣鍾河岳赫赫高名照古今
十道提綱徒赤手九原飲恨只丹心
臺空鳳去秋雲慘屋冷烏啼夜月沉
珍重遺章猶絕筆令人一讀一沾襟

哭江州太守李子威

成廷珪

將帥倉皇忽棄城，孤臣何以獨支撐。
尚聞傳檄誅狂寇，猶喜開倉舉義兵。
千古報君心不死，九江圖像面如生。
只今月黑匡廬下，彷彿悲風有戰聲。

挽司業李公元禮

貢奎

山立庭紳聳衆觀，名高真不愧儒冠。
文章清廟藏琛玉，勛業烏臺振羽翰。
譽重朝端知有子，貧憐身後似無官。
百年耆舊凋零盡，展卷哀辭忍淚看。

挽達元帥楊維禎

黑風吹浪海冥冥披甲舡頭夜點兵
報國但知身有死誓天不與賊俱生
神遊碧落青騾遠怒挾秋濤白馬迎
廊廟正脩忠義傳詞臣執筆淚先傾

挽遺山先生

閻復

蕭寺西風捲玉荷月明人影共婆娑
誰知別後驪駒曲便是先生薤露歌
野史夜寒冰蠹簡錦機春暖鳳停梭
祇應前日西州路常使羊曇忍淚過

挽何得之先生

馬祖常

手織烏紗日賣錢，全家閒住五湖邊。
伏生有女書空在，伯道無兒世共憐。
北市行歌花爛熳，西亭坐笑月嬋娟。
少微星彩今年暗，知是詩隨過海船。

挽張上卿開府真人

雅勒呼

弭節扶桑泛海查，振衣塵世讀南華。
漢時河上仙翁傳，晉代山中宰相家。
鶴去玉棺藏寶劍，龍乘金鼎護丹砂。
芙蓉千騎層城路，樓觀參差隔綵霞。

悼笑隱禪師仲容先生

張翥

朱雀橋邊白下門，舊遊回首不堪論。
令威未返遼東鶴，圓澤難招石上魂。
金刹火餘灰已冷，錦囊詩在墨猶溫。
南來邂逅逢僧話，老淚臨風墮酒尊。

拜范文正公遺像

虞集

企仰前賢歲月深，阿衡事業伯夷心。
義田猶是當時祿，遺像能令百世欽。
竊誦詩書求彷彿，默嗟人物轉消沉。
誰人浪謾矜家世，看取天平萬石林。

欽定四庫全書

元詩體要
卷十二

三十一

元詩體要卷十二